

462 Das dreyzehende Buch Petri de Crescentijs/

Safft von Creutzwurk/ vnd vier Quintlin Leissamen gepüluert nemen/ vnd solches alles zusamen vermischen/ vnd dem Hund/ wie auch vormals/ in den Hals giessen vnd schütten/ Nach diesem soltu ihm die Ohren spalten/ damit er blute/ oder aber ihm die Ader/ so von dem Bruck an der Schulter herab/ bis auff die sördern Schenckel vnd Brust reicht/ auffhauwen vnd schlagen lassen/ welches helffen wirt.

Die schlaffende Wüt zu curiren vnd heilen/ soltu sechs Cronen schwer Vermut Safft/ vnd zwo Cronen schwer Puluer von Aloe Wurzel/ vnd zwo Cronen schwer gebrännt vnd gepüluert Hirschhorn/ sampt zweyen Nasen Dannenschwanu nemen/ vnd solches alles zu hauff thun vnd mischen/ vnd so du sehen würdest/ das des Saffts zu wenig/ vnd das Puluer zu dick seyn wolte/ magstu vier oder sechs Cronen schwer weissen Wein darzu thun/ vnd solches hernach dem Hund/ wie auch zuvor/ einschütten.

Die fließende vnd gelbsüchtige Wüt des Hunds zu vertreiben/ sollestu sechs Cronen schwer Fenchel Safft/ oder die gekochte Brüe darvon/ vnd vier Cronen schwer die Brüe von gekochtem Kraut/ heist schlaffender Cunn/ welches in den Hecken wächst/ auch vier Cronen schwer Brüe von gesottenem Ephew/ zu dem vier Cronen schwer von Engelsfuß Puluer nemen/ vnd solches alles in ein klein Häselin füllen/ dasselbige in weissen Wein sieden lassen/ vnd solches/ nach dem es widerumb lawlecht worden/ dem Hund so bald eingiessen vnd einschütten lassen.

Die grimmend Wüt/ welche in den Därmen ligt/ vnd von Kälte vnd Feuchtigkeit vnd andern Ungemachen mehr herkompt/ Wirt durch warme Bäder vnd den Schweiß/ darvon im folgenden Capitel sol anzeigung geschehen/ gewendet vnd geheilet.

Das ein vnd zwentzigste Capitel.

Wie ein Hundsbad für die Wüt/ so auß erkaltung herkompt/ zuzurichten sey.

Du wütige vnd erkalte Hund durch ein Bad zu recht bringen wilt/ sollestu zween zimliche Kessel nemen/ dieselbige mit Wasser anfüllen/ vñ in jeden von nachfolgende Kräutern thun vñ legen/ Erstlich zehen Handvoll Beyfuß/ 10. Handvoll Rosmarin/ 10. Handvoll grosse Salbeyen/ von weiß Ibisch/ von Attichkraut/ von Fenchel/ von weissem Andorn oder Melissne/ von Raueten/ von Alant/ von Menwelwurk/ von Schffenzungen/ von Steinklee/ solche Kräuter/ Blätter vñ Wurzel/ sollestu in gedachte zween Kessel legen/ vñ die Kessel mit zween theil Wasser/ vnd einem theil Wein anfüllen/ vnd also mit einander bis der dritte theil verzehret vñ eingesotten/ auffsieden lassen/ Wenn solches beschehen/ soltu die Kräuter mit ihrer Brüe auß dem Kessel nemen/ vñ in ein Zuber schütten/ darüber vier Küblen voll guter starcker Weinhäfen schützen/ vnd als denn widerumb die Kessel/ wie auch zuvor/ vbers Feuer hencken/ vnd sie mit dem dritten theil Wein vnd Wasser anfüllen/ Sollest darnach auch einen neuen Sack nemen/ vñ rote Dmeissen hauffen suchen/ vnd die grossen roten Dmeissen sampt ihren Eyern vñ Besämunng darvon tragen/ vnd sie in die Kessel mit drey oder vier Handvoll Saltz werffen/ vnd sieden lassen/ so es denn bis auff's drittetheil eingesotten/ sollestu solches eben in den Zuber schütten/ darein du zuvor die andere/ gekochte Kräuter vnd Materi gethan/ vnd alles zusammen also mit vnd durch einander/ bis es schier lawlecht worden/ stehen lassen.

Ja dasselbige Bad als denn thue den Krancken Hund/ vnd lasse ihn darinnen nach einander einer Stund lang wol baden/ wo solches beschehen/ vnd ihn widerumb auß dem Bad nimbst/ sollestu ihn an einen ort/ da kein Luft hin gehet/ legen/ vnd damit er sich nicht widerumb erkälte/ fein warm zudecken/ sollest ihn aber vier oder fünff Tag auff einander Baden/ vñ

Das erste Bad ist darzu/ weñ es nur widerumb bey dem Feuer warm gemacht wirt/ allwegen gut vñ tauglich gnugsam.

Das